



Broj: 11-16.6-1988-6-1/20
Datum: 06.05.2020. godine

Na temelju člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14),), a na preporuku Komisije za javnu nabavku u skladu sa Zapisnikom o pregledu i ocjeni ponuda, broj:11-16.6-1988-6/20 od 30.04.2020. godine, u postupku javne nabavke usluge:Održavanje softverske aplikacije „Poslovni informacioni sistem“, direktor Agencije za lijekove i medicinska sredstva Bosne i Hercegovine d o n o s i

ODLUKU o izboru najpovoljnijeg ponuđača

član 1.

Prihvata se preporuka Komisije za javnu nabavku u skladu sa Zapisnikom o pregledu i ocjeni konačne ponude, broj: 11-16.6-1988-6/20 od 30.04.2020.godine, te se ugovor za javnu nabavku usluge:**Održavanje softverske aplikacije „Poslovni informacioni sistem“ dodjeljuje ponuđaču Lanaco d.o.o, ulica Veljka Mladenovića bb,78000 Banja Luka, ID broj 4400853190007, za ponudenu cijenu od 74.028,00 KM bez PDV-a odnosno 86.612,76 KM sa PDV-om, kao najbolje ocjenjenom ponuđaču.**

član 2.

Prijedlog ugovora o nabavci dostavit će se izabranom ponuđaču Lanaco d.o.o, Banja Luka po proteku roka od 5 dana, računajući od dana kada je jedini ponuđač obaviješten o izboru najpovoljnije ponude, a po pribavljanju mišljenja Pravobranilaštva BiH.

član 3.

Za izvršenje ove odluke zadužuje se Sektor za finansijske poslove i Sektor za pravne i opšte poslove.

član 4.

Ova odluka objavit će se na web-stranici www.almbih.gov.ba istovremeno sa upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

član 5.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 11-16.6-1988-1/20 od 26.03.2020.godine.Javna nabavka je provedena pregovaračkim postupkom bez objave obavještenja.Upućen je poziv „Lanaco“ d.o.o., Banja Luka, kao jedinom ponuđaču koji može ispunjavati tražene uslove u skladu sa članom 21 tačka c) i članom 28. stav (1) Zakona o javnim nabavkama Bosne i Hercegovine te članom 34.Zakona o autorskim i srodnim pravima („Službeni glasnik BiH“, broj 63/10). Procjenjena vrijednost javne nabavke bez PDV-a je **74.748,00 KM**. Komisija za javnu nabavku imenovana je Odlukom broj:11-16.6-1988-2/18 od 26.03.2020.godine. Zapisnikom komisije broj:11-16.6-1988-4/20 od 15.04.2020.godine konstatovano je da je ponuđač kvalifikovan za pružanje tražene usluge u skladu sa zahtjevima tenderske dokumentacije, te je isti pozvan da dostavi početnu ponudu i dođe na pregovore.

U toku pregovora, na osnovu dostavljene ponude, Komisija je sa ponuđačem uspostavila i razjasnila uslove ugovora što je konstatovano Zapisnikom broj 11-16.6-1988-5-1/20 od 21.04.2020.godine u kojem je konstatovano da je početna ponuda dostavljena na vrijeme i uredno zapakovana, koričena, ovjerena i numerisana. Shodno na ispunjenost osnovnih kvalifikacionih uslova, pristupilo se pregovaranju.

Pregovaranje je o sniženju cijene usluge i proširenju obima pružanja usluge.

Od strane ponuđača putem videolinka prisustvovali su ovlašteni predstavnici ponuđača Vojislav Opačić, Nataša Hajduković i Sanja Milošević Savić.

Početna cijena ponude ponuđača „Lanaco“ d.o.o. je bila **74.700,00 KM** bez PDV-a odnosno **87.399,00 KM** sa PDV-om za godišnje održavanje. Uvidom u ponudu cijena mjesečnog održavanja je **6.225,00 KM** odnosno **7.283,25 KM** sa PDV-om. Komisija je argumentovala da je aplikacija razvijena i da ima manje ažuriranja u toku godine, međutim ponuđač je argumentovao da je broj sati veći od ugovorenih 1000 sati godišnje, ta naveo da ne vidi smanjenje, već povećanje u obimu posla održavanja aplikacije.

Nakon dužih pregovora ponuđač je pristao na smanjenje ukupne cijene za **669,96 KM bez PDV-a**, tako sa ukupan iznos godišnjeg održavanja iznosi **74.030,04 KM** bez PDV-a odnosno **86.615,15 KM** sa PDV-om. Cijena mjesečnog održavanja za **minimalnih 1000 sati održavanja na godišnjem nivou, iznosi 6.169,17 KM bez PDV-a odnosno 7.217,93 KM sa PDV-om.**

Prilikom pregovora Komisija je tražila proširenje usluga koje se odnose na sljedeće stavke:

1. Validacija budućih nadogradnih modula softvera, prilikom svake nadogradnje, odnosno izmjene u programu;
2. Dogradnja modula javnih nabavki dijelom skeniranjem akata i izvještavanjem o skeniranim aktima;
3. Povećanje broja sati održavanja. Naime Komisija je sabiranjem minimalnih broja sati održavanja došla da na godišnjem nivou broj sati iznosi 960, te je tražila povećanje. Nakon pregovaranja ponuđač je pristao na 1000 sati minimalnog godišnjeg održavanja.

Komisija je konstatovala da je ponuđač pristao na sve zahtjevane stavke.

Komisija za javnu nabavku dostavila je Zapisnik o ocjeni konačnih ponuda sa izvještajem o ocjeni ponude i preporukom o izboru napovoljnijeg ponuđača u postupku javne nabavke Održavanje softverske aplikacije „Poslovni informacioni sistem“.

Komisija za javnu nabavku je izvršila otvaranje ponude i ocjenu prispjele konačne ponude o čemu je sačinila zapisnike, u kojima je utvrđeno sljedeće: da je ukupan broj pristiglih ponuda 1 (jedan), da je blagovremeno zaprimljena jedna ponuda i da je ponuda ponuđača „Lanaco“ d.o.o, Banja Luka prihvatljiva.

RANG LISTA OCJENJENIH PONUDA

R.br.	PONUĐAČ	Cijena bez PDV-a (KM)	Ukupna cijena sa PDV-om (KM)
1.	Lanaco d.o.o. Banja Luka	74.028,00	86.612,76

U postupku donošenja ove odluke, posebno su cijenjene činjenice da je Komisija za javne nabavke, pravilno i potpuno izvršila ocjenu kvalifikovanosti ponuđača te ocjenu pristigle ponude, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač Lanaco d.o.o. Banja Luka je izabran primjenom kriterija najniže cijene, koja je ponuđena u iznosu od 74.028,00 KM bez PDV-a, odnosno 86.612,76 sa PDV-om, , mjesečno 6.169,00 KM bez PDV-a odnosno 7.217,73 KM sa PDV-om.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

1. Ponuđačima,
2. Komisiji za javne nabavke,
3. Sektoru za finansijske poslove,
4. web-stranica
5. a/a.



DIREKTOR

dr Aleksandar Zolak

Veljka Mladenovića bb, 78000 Banja Luka
Centrala: +387 51 456 040; 456 050
Fax: +387 51 450 30
E-mail: info@almbih.gov.ba
www.almbih.gov.ba

Вељка Млађеновића бб, 78000 Бања Лука
Централа: +387 51 456 040; 456 050
Факс: +387 51 450 30
E-mail: info@almbih.gov.ba
www.almbih.gov.ba